



BOSNA I HERCEGOVINA
FEDERACIJA BOSNE I HERCEGOVINE
Kanton Sarajevo
Grad Sarajevo
OPĆINA CENTAR SARAJEVO
Općinski načelnik

PROTOKOL O SARADNJI
s ciljem osiguravanja pomoći u rješavanju egzistencijalnih
pitanja djece/mladih bez roditeljskog staranja

Sarajevo, januar 2020. godine

Ovaj Protokol o saradnji se zaključuje između:

OPĆINE CENTAR SARAJEVO, ulica Mis Irbina broj 1, Sarajevo, koju zastupa općinski načelnik prof. dr. Nedžad Ajnadžić (u daljem tekstu: Općina)

KJU DOM ZA DJECU BEZ RODITELJSKOG STARANJA, ulica Bjelave br. 52, koju zastupa direktor Tarik Smailbegović

Član 1.

(Predmet Protokola)

Protokolom o saradnji potpisnici: Općina Centar Sarajevo i KJU Dom za djecu bez roditeljskog staranja regulišu međusobnu saradnju u cilju omogućavanja stambenog zbrinjavanja djece bez roditeljskog staranja za koje se ne može naći niti jedan drugi adekvatan oblik stambenog rješavanja (djeca koja ne mogu biti vraćena u svoju biološku porodicu jer to ne bi bilo u njihovom najboljem interesu, djeca koja zbog uzrasta ne mogu biti smještena u hraniteljstvo, djeca kojoj je potrebna posebna profesionalna podrška, slučajevi gdje postoji veći broj djece koji su srodnici-braća i sestre i za koje je dokazano da je u najboljem interesu da ostanu zajedno)

Član 2.

(Svrha i cilj Protokola)

Ovaj Protokol zaključen je svrhu omogućavanja stambenog zbrinjavanja i kvalitetnije brige o djeci bez roditeljskog staranja koji podržava odrastanje djece u porodicama, a ne institucijama. Tokom implementacije Protokola partneri će osigurati da se sve aktivnosti realizuju u skladu sa principima koje promoviraju domaći i međunarodni dokumenti iz oblasti socijalne zaštite djece i mladih bez roditeljskog staranja i djece i mladih pod rizikom od razdvajanja, a bazirani su na njihovim individualnim potrebama i njihovom najboljem interesu, a u skladu sa principima Konvencije o pravima djeteta.

Član 3.

(Način realizacije saradnje)

Saradnja potpisnika ovog Protokola će se ostvariti kroz slijedeće aktivnosti:

1. Općina će u cilju stvaranja uslova za realizaciju projekta stambenog zbrinjavanja i odrastanja djece u porodicama, a ne institucijama, omogućiti adekvatan stambeni prostor za smještaj djece koja će biti sudionici u projektu.
2. Općina će, također, omogućiti hitnu administrativnu proceduru u cilju donošenja odluke Općinskog vijeća Općine Centar kojom će se omogućiti zaključivanje ugovora o zakupu stana/ova.
3. KJU Dom za djecu bez roditeljskog staranja će, u saradnji sa općinskom administracijom pokrenuti neophodne administrativne procedure, prikupiti neophodnu dokumentaciju te postupiti shodno Odluci Općinskog vijeća Općine Centar Sarajevo odnosno shodno Ugovoru o zakupu stana/ova.
4. KJU Dom za djecu bez roditeljskog staranja će, u saradnji sa organizacijom Hope and Homes for Children, koja je partner na projektu transformacije KJU Dom za djecu bez roditeljskog staranja, obaviti pripreme (procjena prostora i finansijaska sredstva), izvršiti adaptaciju i opremanje stanova u skladu sa sredstvima izdvojenim za ovu namjenu, a u cilju pružanja novih uspostavljenih usluga

Član 4.

(Izmjene i dopune Protokola)

Izmjene i dopune ovog Protokola mogu se vršiti samo uz pisanu suglasnost svih potpisnika.

Član 5.

(Prelazne i završne odredbe)

Protokol stupa na snagu danom potpisivanja, a zaključuje se na period do predaje stanova u posjed.

Protokol je potpisan u 4 (četiri) primjerka, gdje svaki potpisnik zadržava po 1 (jedan) primjerak. Potpisnici Protokola su saglasni da će sve eventualne sporove proistekle iz ovog Protokola rješavati sporazumno u duhu dobrih odnosa i u zajedničkom interesu.

Broj: 15-23-sl/20

Sarajevo, 29.01.2020. godine



KJU DOM ZA DJECU BEZ
RODITELJSKOG STARANJA
SARAJEVO

DIREKTOR

Tarik Smailbegović

